



## Universitätsbibliothek Paderborn

**Iacobi Llobetii Leodiensis E Societate Iesv. Specvlvm  
Ecclesiasticorvm, Ac Religiosorvm.**

**Llobet de Lanthin, Jacques**

**Leodii, 1640**

§. Primus. Quale sit præceptum Residentiæ?

[urn:nbn:de:hbz:466:1-47105](#)

## S. PRIMVS.

*Quale fit præceptum Residentiæ?*

**E**A quæstio institui solet de Beneficiarijs, qui in duas Classes distinguntur, in vna sunt ij quibus à beneficio nulla reliqua est animarum cura: sed pensum dumtaxat diuini officij: tales sunt Canonici, & qui beneficia obtinent, quæ vulgo simplicia appellamus.

In altera sunt ij quibus imposta animarum cura, qualis Episcopis, ac Pastoribus impendet.

De his, & illis immittitur in scholas, & pulpita quæstio, quo iure ad residendum teneantur; diuino, an humano?

De Canonicis, alijsque eiusdem sacratae fortis hominibus id statuo; ad residentiam obligari Iure Ecclesiastico, quod anno quolibet abesse vetat ultra tres menses; vtque illi legi sua vis existat, suaque nequantur vincula, cum qui in eam peccarit, anno primo priuari vult media parte fructuum, anno secundo toto eorundem prouentu. Ita decreuere Pa-  
Trid. sef.  
24 c. 12.  
de Ref.

Quibusdam tamen in locis audio ex quadam superiorum indulgentia concedi absentiam etiam ad sex omnino menses, uno die minus: sitne vero ei iuri, rationi, pietati, fundatorum intentioni consentanea viderint ij quorum interest: ego nolim esse Censor, & Iudex.

Nnn

Dc

De Pastoribus autem, Episcopis, alijsque quibus addita animarum cura, ratioque Numini reddenda, illud ex Tridentino confici velim; teneri iure diuino residere, & per se suum officium administrare: ita ferunt verba legis.

*Cum p̄cepto diuino mandatum sit omnibus, quibus animarum cura commissa est; oues suas agnoscere, pro his sacrificium offerre, verbique Dei p̄dicatione, Sacramentorum administratione, ac bonorum operum exemplo pascere, pauperum, aliarumque miserabilium personarum curam paternam gerere, & in cetera omnia pastoralia incumbere, quae omnia nequaquam ab ijs impleri, & pr̄stari possunt, qui gregi suo non inuigilant, & assistunt; sed mercenariorum more deseruiunt, &c. Ex sacra illa Tridentini sanctione, Patrumque decreto, colligis primum quod Pastoribus & Episcopis impositum sit p̄ceptum; scilicet eiusmodi, quod non ab humano foro prodeat, sed emanet à diuino, deinde quæ ijs indicantur officia caritatis, pietatis, religionis.*

Et vero, ut aliquod huic meæ propositioni à ratione pondus accedat; à varijs nominibus quæ Prælatis imponi solent disce quid ijs oneris incumbat: vt de facie noscitur homo, ita & in nomine sese aperit, ac legitur officij ratio.

Dicuntur ij primum *Pastores*: appello illud Christi oraculum, quo Petrum Ecclesiæ præsidem,

&amp;

& vniuerso Pontificem dedit, & hac forma inau-  
gurari voluit. *Pasce, inquit, oves meas.* Pascere non tam dignitatis est, quam laboris ; præsentis est, non absentis ; pastoris, non mercenarij, cuius est potius mulgere, & tondere, quam pascere : secus omnino bonus Pastor, cui, vt piè notat D. Bernardus. *Tertio dictum pasce, nec mulge, seu tonde vel semel est additum.*

Dicuntur deinde in sacris paginis, *ministri, dispensatores, non dominatores in Cleris, sed formæ facti gregis.* Dicuntur & *operarij* in vinea Domini, *vocati* non tam vt præsint, quam vt prosint, non vt insolenter quiescant, sed vt impigre laborent, vt plantent, vt euellant, vt destruant quod Eugenio Pontifici maximo insinuatum voluit D. Bernardus mellea, & suaui eloquentia. *Disce, inquietab olim, exemplo prophetico præsidere, non tam ad imperitandum, quam ad factitandum, disce sarculo tibi opus esse non sceptro;* quod si sarculo opus, certe, & præsenti manu, quæ terram sibi creditam, id est immortales animos excolat ; ex ijsque herbas noxias, & infœlia lolia ab innoxijs discernat.

Appellantur etiam *Episcopi*, quod, vt ait Augustinus, *Nomen est operis, non honoris, & vigiles, ac superintendentes significat.* Quasi desuper, hoc est, ex altiore veluti specula intendant, atque incumbant populorum sibi subiectorum utilitati. De his

Nnn 2

Chry..

Chrysostomus religiosissimus Ecclesiæ Doctor.

*Hom. 10. Non principatu, inquit, ac dominationis fastu, ve-*  
*in 1. ad Timoth. rum cura regiminis, & charitatis affectu præsideant.*

Cui consonat Augustinus spirans ille doctrinarum bibliotheca, & flos christianæ pietatis, ac eloquentiæ: De Prælatis ille ita sentit, ac loquitur. Intelligat se non esse Episcopum, qui præesse dilexerit, non prodeesse; honor enim, & sacra infulæ maiestas debet esse in postremis; salus, & incolimitas gregis, in oculis, & primis curis. Cuius præcepti conscius,

& retinens Bernardus, Eugeniu[m] cum omni modestia, ac submissione ita monet. *Præsis, ut profis,*  
*L. 3. de Consid. vt dispenses, non imperes, hoc fac, & dominari non affectes hominum homo, vt non dominetur tui omnis iniustitia.* Præesse autem et si possit absens Episcopus: at prodeesse vix potest, imperare ut queat, at dispensare vix absenti conceditur.

Denique ne multis morer, in alia, atque alia appellatione, dicuntur Prælati, & Episcopi Doctores,  
*3. ad Ti- etiam oraculo, voceque Pauli. Oportet, inquit, Epis-*  
*moth. c. copum Doctorem esse; non scripto tantum, sed ver-*  
*3. v. 2. bo; quod non emanat nisi ad subiectum, & præ-*  
*sentem populi coronam.*

Quod si ab ijs nominibus, quæ quodammodo propria videri possunt, transeam ad ea, quæ appellatiua sunt, ac metaphorica; auribus, & animo excipiām sublimes illos, & honoris plenos titulos, qui-

bus

bus in fronte maiestatis sede signantur Episcopi,  
dum audiunt lux mundi , sal terræ , ciuitas supra <sup>Math. e.</sup>  
montem posita, lucerna super candelabrum ut luceat  
omnibus qui in domo sunt.

Quod si sint lux mundi, orbis oculus, & microcosmi, id est generis nostri, hominisque, sol longe potior illo, quem oculis usurpamus : certè necessum est, ut re etiam ipsa præsentes assistant, & suis terris immineant : quis enim nesciat solem illum, & facem vniuersi minimè profuturam, si occiduo semper orbe latitet, & apud Antipodas nostros oriatur, nobis autem fere perpetuo occidat. Certè illo occasu, squallor, situs, strages, ruina sequetur omnium omnino in terris spirantium, atque viuentium.

Sic in homine, mundo spirabili, ac rationabili; nisi ei surgat, ac caleat lux mundi (hoc est Episcopus) necessum est ut breui, spiritu, ac vita vacuus expiret, atque contabescat. Et hæc à luce, Ecclesiæ cœlo petitur necessitas; alia terræ nostræ à sale.

Dicitur enim & est Episcopus, ac Pastor sal terræ: quod cam ritè condiat, seruetque illibatam à putredine, qui autem condire? qui seruare possit, nisi intra ipsa terræ viscera, abditosque sinus admittatur? qui denique ut lucerna splendere omnibus, qui in domo sunt, nisi & ipse in domo sit, imo in eius medio, centroque, è quo ad omnem circum-

Nnn 3      inedicta  
feren-

470 SPECVLVM ECCLESIASTICORVM,  
ferentiam perennes, salubres, doctos, pios, diuinioris  
sapientiae, ac virtutum radios euibret.

§. 2.

Quæ commoda nascantur, ex Prælatorum  
Residentia?

**M**Agnes ille dux Israëlis, & parens Moses, po-  
puli Principes, & Præsides appellare solebat  
spiritus, quod iij sint populo, quod spiritus, & ani-  
ma corpori: ita quondam ex voto suo precatur su-  
Num. 27. v. 16. peros. *Prouideat Dominus Deus spirituum omnis car-  
nis, hominem, qui sit super multitudinem hanc. Domi-  
num vocat Deum spiritum, hoc est Prælatorum:*  
quod iij subiectæ multitudini pro spiritu, pro ani-  
ma sint.

Ab anima, ceu parte principe, visitur in fronte,  
in genis, in vultu viuidus color, amœna lux in o-  
culis, sensus in corpore, motus in neruis, micatio-  
nes in arterijs: vis altrix in iecore, vitalis in corde,  
animalis in cerebro: & rerum propè omnium ima-  
gines, altissimèque cognitiones ab uno spiritu com-  
munes etiam ipsi carni fieri videntur; quem si ex-  
cluseris, hæret illoco motus, ac sensus expers, iners,  
pigrum, rude, & informe cadaver, abiecta que cor-  
poris moles, mox in cineres, in vermesabitura;  
tantum in massa carnea, in hominis luto potest in-  
fusa mens, & intelligentia, tantum ab illa accedit,  
vel recedit boni.